



B I L T E N

BROJ 16

Sarajevo, 30.05.2026. - 12.06.2026.

Broj: 582/26

Sarajevo, 01.06.2026. godine

Na osnovu člana 103. stav (2) Disciplinskog pravilnika NS/FS BiH, člana 24. Propozicija takmičenja Kantonalne lige Kantona Sarajevo za takmičarsku sezonu 2025/2026, odlučujući po žalbi FK „VRATNIK“ Sarajevo izjavljenoj protiv Odluke Disciplinske komisije Fudbalskog saveza Kantona Sarajevo broj: 549/26 od 20.05.2026. godine, Apelaciona komisija Fudbalskog saveza Kantona Sarajevo, na sjednici održanoj dana 01.06.2026. godine, donosi:

O D L U K U

1. Žalba FK „VRATNIK“ Sarajevo izjavljena protiv Odluke Disciplinske komisije Fudbalskog saveza Kantona Sarajevo broj: 549/26 od 20.05.2026. godine odbija se kao neosnovana.

2. Potvrđuje se Odluka Disciplinske komisije Fudbalskog saveza Kantona Sarajevo broj: 549/26 od 20.05.2026. godine.

O b r a z l o ž e n j e

Odlukom Disciplinske komisije Fudbalskog saveza Kantona Sarajevo broj: 549/26 od 20.05.2026. godine, FK „VRATNIK“ Sarajevo oglašen je odgovornim jer svojom krivicom nije odigrao dvije utakmice stalnog takmičenja Kantonalne lige Kantona Sarajevo u takmičarskoj sezoni 2025/2026, i to utakmicu 1. kola između FK „Hrid“ i FK „Vratnik“, zakazanu za 29.03.2026. godine, na koju se FK „Vratnik“ nije pojavio kao gostujuća ekipa, te utakmicu 2. kola između FK „Vratnik“ i NK „Stup“, koja nije odigrana jer FK „Vratnik“, kao domaćin utakmice, nije izvršio zakazivanje utakmice u propisanom roku.

Istom odlukom FK „VRATNIK“ izrečena je disciplinska mjera zabrane nastupa u Kantonalnoj ligi Kantona Sarajevo u takmičarskoj sezoni 2026/2027.

Protiv navedene odluke FK „VRATNIK“ Sarajevo je blagovremeno izjavio žalbu, navodeći da je Disciplinska komisija pogrešno i nepotpuno utvrdila činjenično stanje, pogrešno primijenila materijalno pravo, povrijedila principe zakonitosti, pravne sigurnosti i jednakog tretmana učesnika takmičenja, te da je izrečena disciplinska sankcija nesrazmjerna.

Apelaciona komisija je razmotrila žalbu, pobijanu odluku, Odluku Komesara za takmičenje Kantonalne lige Kantona Sarajevo broj: 421/26 od 10.04.2026. godine, Propozicije takmičenja

Kantonalne lige Kantona Sarajevo za takmičarsku sezonu 2025/2026, kao i ostalu dokumentaciju u spisu predmeta, te je utvrdila da žalba nije osnovana.

Iz spisa predmeta proizlazi da je pravosnažnom Odlukom Komesara za takmičenje Kantonalne lige Kantona Sarajevo broj: 421/26 od 10.04.2026. godine utvrđeno da je FK „VRATNIK“ Sarajevo odustao od takmičenja Kantonalne lige Kantona Sarajevo u takmičarskoj sezoni 2025/2026, jer svojom krivicom nije odigrao dvije utakmice u toku takmičenja.

Navedenom odlukom utvrđeno je da FK „VRATNIK“ nije odigrao utakmicu 1. kola Kantonalne lige Kantona Sarajevo između FK „Hrid“ i FK „Vratnik“, na kojoj se FK „Vratnik“ nije pojavio kao gostujuća ekipa u zakazanom terminu odigravanja utakmice za 29.03.2026. godine, kao ni utakmicu 2. kola Kantonalne lige Kantona Sarajevo između FK „Vratnik“ i NK „Stup“, koja nije odigrana jer FK „Vratnik“, kao klub domaćin, nije izvršio zakazivanje utakmice u propisanom roku u skladu sa Propozicijama takmičenja.

Obje navedene utakmice prethodno su odlukama Komesara za takmičenje Kantonalne lige Kantona Sarajevo registrovane službenim rezultatom 3:0 u korist protivničkih ekipa, zbog odgovornosti FK „VRATNIK“ za njihovo neodigravanje.

Apelaciona komisija posebno ističe da žalbeni navodi FK „VRATNIK“ ne dovode u pitanje odlučne činjenice na kojima se zasniva odluka Disciplinske komisije. Klub ne dokazuje da je pristupio odigravanju predmetnih utakmica, niti dostavlja dokaze da je neodigravanje utakmica bilo posljedica više sile ili drugih objektivnih okolnosti koje bi, u smislu Propozicija takmičenja, opravdale neodigravanje utakmica.

Članom 20. Propozicija takmičenja Kantonalne lige Kantona Sarajevo za takmičarsku sezonu 2025/2026 propisano je da ekipa koja neopravdano ne odigra utakmicu gubi istu službenim rezultatom 3:0 u korist protivničke ekipe, uz disciplinske sankcije u skladu sa Disciplinskim pravilnikom NS/FS BiH. Istim članom propisano je da se ekipa koja dva puta neopravdano ne odigra utakmicu u toku prvenstva smatra da je odustala od takmičenja i po sili Propozicija isključuje iz takmičenja, uz zabranu nastupa u narednoj takmičarskoj sezoni.

Navodi žalbe da FK „VRATNIK“ nije imao namjeru trajno napustiti takmičenje, već da je odbio učestvovati u nastavku prvenstva zbog navodnih nepravilnosti u sistemu takmičenja, nisu od uticaja na drugačije odlučivanje. Za primjenu člana 20. Propozicija nije odlučujuća subjektivna tvrdnja kluba da nije imao namjeru odustati od takmičenja, već objektivno utvrđena činjenica da klub dva puta nije odigrao prvenstvene utakmice, a da za takvo postupanje nije dokazao postojanje opravdanih razloga.

Eventualno neslaganje FK „VRATNIK“ sa Propozicijama takmičenja, sistemom takmičenja, uključivanjem drugih klubova ili odlukama organa Saveza ne može predstavljati opravdan razlog za samovoljno neodigravanje zakazanih prvenstvenih utakmica. Ako je klub smatrao da su pojedini akti, odluke ili radnje organa Saveza nepravilni ili nezakoniti, imao je mogućnost koristiti propisane pravne lijekove i obraćati se nadležnim organima u postupcima predviđenim važećim

aktima fudbalske organizacije i drugim propisima. Međutim, klub ne može vlastitim jednostranim postupanjem odbiti nastup u takmičenju i zatim takvo postupanje predstavljati kao okolnost koja isključuje disciplinsku odgovornost.

Apelaciona komisija je cijenila i žalbeni navod da je FK „VRATNIK“ izvršavao finansijske i administrativne obaveze prema Savezu, uključujući članarine, registracije i druge obaveze. Međutim, navedene okolnosti ne oslobađaju klub osnovne takmičarske obaveze da nastupi na zakazanim prvenstvenim utakmicama. Izvršavanje pojedinih administrativnih ili finansijskih obaveza ne može neutralisati posljedice neopravdanog neodigravanja dvije utakmice stalnog takmičenja.

Neosnovan je i žalbeni navod da je izrečena disciplinska mjera prestroga i nesrazmjerna. Mjera zabrane nastupa u Kantonalnoj ligi Kantona Sarajevo u takmičarskoj sezoni 2026/2027 proizlazi iz člana 20. Propozicija takmičenja, kojim je izričito propisano da se ekipa koja dva puta neopravdano ne odigra utakmicu isključuje iz takmičenja uz zabranu nastupa u narednoj takmičarskoj sezoni. Dakle, Disciplinska komisija nije proizvoljno odmjerila sankciju, već je primijenila sankciju koja je predviđena za upravo ovakvu situaciju.

Apelaciona komisija nalazi da je Disciplinska komisija pravilno i potpuno utvrdila sve odlučne činjenice, pravilno primijenila relevantne propise, te dala dovoljno jasno i pravno utemeljeno obrazloženje zbog čega navodi FK „VRATNIK“ iz izjašnjenja ne mogu isključiti disciplinsku odgovornost kluba.

Pri donošenju ove odluke Apelaciona komisija je imala u vidu i značaj zaštite regularnosti, integriteta i kontinuiteta takmičenja. Neopravdano neodigravanje utakmica od strane kluba ne predstavlja samo povredu pojedinačne obaveze tog kluba, već postupanje koje dovodi u neravnotežan položaj druge klubove učesnike, otežava organizaciju prvenstva, narušava povjerenje u takmičarski sistem i proizvodi štetne posljedice po Fudbalski savez Kantona Sarajevo kao organizatora takmičenja i njegove članove.

Imajući u vidu sve navedeno, Apelaciona komisija je utvrdila da žalbeni navodi FK „VRATNIK“ nisu osnovani, te je na osnovu člana 103. stav (2) a u vezi sa članom 128. stav (3) Disciplinskog pravilnika NS/FS BiH i člana 20. i 24. Propozicija takmičenja Kantonalne lige Kantona Sarajevo za takmičarsku sezonu 2025/2026, odlučeno kao u dispozitivu ove odluke.

Pouka o pravnom lijeku: Odluka Apelacione komisije FSKS je konačna.

Predsjedavajuća

Apelacione komisije FSKS

Adelina Džanković

Broj: 584-2/26

Sarajevo, 03.06.2026. godine

Na osnovu člana 103., člana 108. i člana 117. Disciplinskog pravilnika NS/FS BiH, člana 20. Propozicija takmičenja Kantonalne lige Kantona Sarajevo – takmičarska sezona 2025/2026, te Odluke Komesara za takmičenje Kantonalne lige Kantona Sarajevo broj: 423/26 od 10.04.2026. godine, Disciplinska komisija Fudbalskog saveza Kantona Sarajevo, na sjednici održanoj dana 03.06.2026. godine, donijela je sljedeću

ODLUKU

1. NK „ILIJAS“ Ilijaš oglašava se odgovornim zbog neopravdanog neodigravanja dvije prvenstvene utakmice Kantonalne lige Kantona Sarajevo u takmičarskoj sezoni 2025/26, i to:

- utakmice 1. kola Kantonalne lige Kantona Sarajevo između ekipa NK „Ilijaš“ – FK „Butmir“, koja se trebala odigrati u terminu 28. ili 29.03.2026. godine, a koja nije odigrana zbog toga što NK „Ilijaš“, kao klub domaćin, nije izvršio zakazivanje utakmice u propisanom roku;
- utakmice 2. kola Kantonalne lige Kantona Sarajevo između ekipa NK „Bojnik“ – NK „Ilijaš“, zakazane za 05.04.2026. godine u 11:00 sati, na kojoj se NK „Ilijaš“ nije pojavio kao gostujuća ekipa.

2. NK „ILIJAS“ Ilijaš izriče se disciplinska mjera zabrane nastupa u Kantonalnoj ligi Kantona Sarajevo — seniori u narednoj takmičarskoj sezoni 2026/2027.

3. Ova odluka stupa na snagu danom donošenja.

O b r a z l o ž e n j e

Komesar za takmičenje Kantonalne lige Kantona Sarajevo za sezonu 2025/2026 donio je odluku broj: 423/26 od 10.04.2026. godine, kojom je utvrđeno da seniorska ekipa NK „Ilijaš“ Ilijaš nije odigrala dvije prvenstvene utakmice Kantonalne lige Kantona Sarajevo u sezoni 2025/2026, i to: utakmicu 1. kola Kantonalne lige Kantona Sarajevo između ekipa NK „Ilijaš“ – FK „Butmir“, koja se trebala odigrati u terminu 28. ili 29.03.2026. godine, a koja nije odigrana zbog toga što NK „Ilijaš“, kao klub domaćin, nije izvršio zakazivanje utakmice u propisanom roku; utakmicu 2. kola Kantonalne lige Kantona Sarajevo između ekipa NK „Bojnik“ – NK „Ilijaš“, zakazanu za

05.04.2026. godine u 11:00 sati, na kojoj se NK "Ilijaš" nije pojavio kao gostujuća ekipa u zakazanom terminu odigravanja utakmice.

Zbog navedenog je klub isključen iz daljeg takmičenja, a protiv istog je podnesena prijava za pokretanje disciplinskog postupka. Postupajući po navedenoj prijavi, Disciplinska komisija Fudbalskog saveza Kantona Sarajevo provela je disciplinski postupak i omogućila klubu da se izjasni o navodima prijave. NK "Ilijaš" Ilijaš dostavio je izjašnjenje u kojem nije osporio činjenicu da navedene utakmice nisu odigrane, te je iznio okolnosti koje su dovele do navedene situacije. Klub je u svom izjašnjenju iskazao korektan odnos prema disciplinskom postupku, izrazio žaljenje zbog nastale situacije, te pokazao spremnost za dalju saradnju sa organima Saveza. Disciplinska komisija je, cijeneći sve izvedene dokaze, utvrdila da su se u radnjama NK "Ilijaš" Ilijaš stekla obilježja disciplinskog prekršaja iz člana 63. stav 1. tačka b) Disciplinskog pravilnika NS/FS BiH, jer klub nije odigrao dvije prvenstvene utakmice u toku iste takmičarske sezone.

Prilikom odlučivanja o vrsti i visini disciplinske mjere, Disciplinska komisija je kao olakšavajuće okolnosti posebno cijnila činjenicu da je klub dostavio izjašnjenje, da nije osporavao činjenično stanje, da je izrazio žaljenje zbog nastale situacije, kao i da je tokom postupka pokazao korektan odnos prema organima Saveza. Međutim, imajući u vidu da neodigravanje dvije prvenstvene utakmice predstavlja disciplinski prekršaj kojim se utiče na regularnost takmičenja, te da Disciplinski pravilnik NS/FS BiH i Propozicije takmičenja za navedeni prekršaj predviđaju disciplinsku odgovornost kluba, Disciplinska komisija je odlučila kao u dispozitivu ove odluke.

Disciplinska komisija posebno ističe da je izrečena mjera donesena u okviru nadležnosti Disciplinske komisije, dok eventualna pitanja budućeg takmičarskog statusa kluba, načina izvršenja mjere, odnosno druga pitanja organizacije takmičenja, mogu biti predmet razmatranja nadležnih organa Fudbalskog saveza Kantona Sarajevo, u skladu sa važećim propisima i aktima Saveza. Na osnovu svega navedenog, odlučeno je kao u dispozitivu ove odluke.

Pouka o pravnom lijeku. Protiv ove odluke može se izjaviti žalba Apelacionoj komisiji Fudbalskog saveza Kantona Sarajevo zaključno sa danom 15.06.2026. godine, uz dokaz o uplati propisane takse u iznosu od 300,00 KM, putem email adrese: info@fsks.ba, počev od dana saopštavanja ove Odluke putem elektronske pošte.

Potpredsjedavajuća

Disciplinske komisije FSKS

Džana Hasanagić, dipl.pr.

Broj: 584/26

Sarajevo, 03.06.2026. godine

Na osnovu člana 103., člana 108. i člana 117. Disciplinskog pravilnika NS/FS BiH, člana 20. Propozicija takmičenja Kantonalne lige Kantona Sarajevo – takmičarska sezona 2025/2026, te Odluke Komesara za takmičenje Kantonalne lige Kantona Sarajevo broj: 491/26 od 27.04.2026. godine, Disciplinska komisija Fudbalskog saveza Kantona Sarajevo, na sjednici održanoj dana 03.06.2026. godine, donijela je sljedeću

O D L U K U

1. **FK „RESPEKT“** Sarajevo oglašava se odgovornim zbog neopravdanog neodigravanja dvije prvenstvene utakmice Kantonalne lige Kantona Sarajevo u takmičarskoj sezoni 2025/2026, i to:

- utakmice 4. kola Kantonalne lige Kantona Sarajevo između NK „Pofalički“ i FK „Respekt“, zakazane za 19.04.2026. godine u 16:30 sati;
- utakmice 6. kola Kantonalne lige Kantona Sarajevo između NK „Bojnik“ i FK „Respekt“, zakazane za 26.04.2026. godine u 11:00 sati.

2. **FK „RESPEKT“** Sarajevo izriče se disciplinska mjera zabrane nastupa u Kantonalnoj ligi Kantona Sarajevo (seniori) u narednoj takmičarskoj sezoni 2026/2027.

3. Ova odluka stupa na snagu danom donošenja.

O b r a z l o ž e n j e

Odlukom Komesara za takmičenje Kantonalne lige Kantona Sarajevo broj: 491/26 od 27.04.2026. godine utvrđeno je da je FK „RESPEKT“ Sarajevo odustao od takmičenja Kantonalne lige Kantona Sarajevo u takmičarskoj sezoni 2025/2026, iz razloga što svojom krivicom nije odigrao dvije prvenstvene utakmice u toku takmičenja, i to utakmicu 4. kola između NK „Pofalički“ i FK „Respekt“, zakazanu za 19.04.2026. godine, kao i utakmicu 6. kola između NK „Bojnik“ i FK „Respekt“, zakazanu za 26.04.2026. godine.

Na osnovu tako utvrđenog činjeničnog stanja, da je klub zbog dva neopravdana neodigravanja utakmica odustao od takmičenja, Komesar za takmičenje je istom odlukom donio i takmičarsku posljedicu, odnosno FK „RESPEKT“ Sarajevo isključio iz daljeg takmičenja Kantonalne lige Kantona Sarajevo u takmičarskoj sezoni 2025/2026, te protiv kluba podnio prijavu za pokretanje disciplinskog postupka pred nadležnim disciplinskim organom FSKS. Disciplinska komisija posebno ističe da FK „RESPEKT“ Sarajevo protiv Odluke Komesara za takmičenje broj: 491/26 od 27.04.2026. godine nije izjavio žalbu u propisanom roku, zbog čega je navedena odluka postala pravosnažna.

Slijedom navedenog, predmet ovog disciplinskog postupka nije ponovno odlučivanje o tome da li je FK „RESPEKT“ odustao od takmičenja, niti preispitivanje pravosnažne odluke Komesara za takmičenje, već isključivo utvrđivanje disciplinske odgovornosti i izricanje odgovarajuće

disciplinske sankcije na osnovu činjeničnog i pravnog stanja koje je već utvrđeno pravosnažnom odlukom nadležnog takmičarskog organa.

Postupajući po prijavi Komesara za takmičenje, Disciplinska komisija je omogućila FK „RESPEKT“ Sarajevo da se izjasni o okolnostima koje mu se stavljaju na teret. Klub je dostavio izjašnjenje broj: 44-07-11/26 od 29.05.2026. godine, u kojem u bitnom navodi da nije odustao od takmičenja, da je izvršavao finansijske i administrativne obaveze prema Savezu, da je vršio uplate članarina, registracija i ljekarskih pregleda, te da je do neodigravanja utakmica došlo zbog, kako navodi, nezakonito izmijenjenog i neregularnog sistema takmičenja.

Disciplinska komisija je cijenila navedeno izjašnjenje, ali je utvrdila da isto ne sadrži činjenice niti dokaze koji bi isključili disciplinsku odgovornost FK „RESPEKT“ za neodigravanje predmetnih utakmica. Naime, plaćanje članarina, troškova registracije, ljekarskih pregleda ili drugih administrativnih obaveza prema Savezu može ukazivati na određene aktivnosti kluba u sistemu takmičenja, ali samo po sebi ne oslobađa klub osnovne takmičarske obaveze da nastupi na zakazanim prvenstvenim utakmicama. Obaveza nastupa na utakmici predstavlja jednu od temeljnih obaveza svakog učesnika takmičenja, a njeno neizvršavanje neposredno utiče na regularnost takmičenja, prava i interese protivničkih klubova, raspored takmičenja, tabelu, kao i integritet cjelokupnog prvenstva.

Članom 20. Propozicija takmičenja Kantonalne lige Kantona Sarajevo za takmičarsku sezonu 2025/2026 propisano je da ekipa koja neopravdano ne odigra utakmicu gubi istu službenim rezultatom 3:0 u korist protivničke ekipe, uz disciplinske sankcije u skladu sa Disciplinskim pravilnikom NS/FS BiH. Istim članom propisano je da ekipa koja dva puta neopravdano ne odigra utakmicu u toku prvenstva smatra se da je odustala od takmičenja i po sili Propozicija isključuje se iz takmičenja, uz zabranu nastupa u narednoj takmičarskoj sezoni.

Disciplinska komisija posebno ukazuje da FK „RESPEKT“ u svom izjašnjenju nije dostavio dokaze da je neodigravanje predmetnih utakmica bilo posljedica više sile ili drugih objektivnih okolnosti koje bi, u smislu Propozicija takmičenja, mogle opravdati neodigravanje utakmica. Prema tome, za postojanje disciplinske odgovornosti u konkretnom slučaju nije odlučujuća subjektivna tvrdnja kluba da nije imao namjeru odustati od takmičenja, već pravosnažno utvrđena činjenica da klub dva puta nije odigrao prvenstvene utakmice, a da za takvo postupanje nije dostavio opravdane i pravno relevantne razloge.

Navodi FK „RESPEKT“ kojima se osporava zakonitost ili pravilnost donošenja Propozicija takmičenja, promjena sistema takmičenja, organizacija žrijeba ili održavanje konsultativnih sastanaka, nisu od uticaja na drugačije odlučivanje u ovom disciplinskom postupku.

Ukoliko je FK „RESPEKT“ smatrao da su pojedini akti, odluke ili radnje organa Saveza nepravilni ili nezakoniti, imao je mogućnost koristiti propisane pravne lijekove i obraćati se nadležnim organima u postupcima predviđenim važećim aktima fudbalske organizacije i drugim propisima. Međutim, eventualno neslaganje kluba sa aktima ili odlukama organa Saveza ne može

predstavljati opravdan razlog za samovoljno neodigravanje zakazanih prvenstvenih utakmica, niti može isključiti disciplinsku odgovornost kluba za takvo postupanje.

Naknadni prigovori FK „RESPEKT“ koji se odnose na sistem takmičenja, Propozicije takmičenja, organizaciju žrijeba ili druge okolnosti, ne mogu se u ovom disciplinskom postupku tretirati kao žalba protiv pravosnažne odluke Komesara za takmičenje, niti mogu dovesti do ponovnog odlučivanja o pitanjima koja su tom odlukom već pravosnažno utvrđena.

Disciplinska komisija je prilikom donošenja odluke posebno imala u vidu činjenicu da neopravdano neodigravanje utakmica od strane jednog kluba ne predstavlja samo povredu pojedinačne takmičarske obaveze, već postupanje koje direktno narušava regularnost i integritet cjelokupnog takmičenja. Takvim postupanjem otežava se organizacija i provođenje prvenstva, dovode se u neravnopravan položaj klubovi koji uredno izvršavaju svoje obaveze, utiče se na ostvarivanje njihovih prava i sportskih interesa, te se stvara poremećaj u takmičarskom sistemu. Na taj način nanosi se šteta Fudbalskom savezu Kantona Sarajevo kao organizatoru takmičenja, ali i klubovima članovima Saveza koji svoje obaveze izvršavaju u skladu sa važećim propisima i odlukama nadležnih organa.

Imajući u vidu sve navedeno, a posebno činjenicu da je pravosnažnom Odlukom Komesara za takmičenje broj: 491/26 od 27.04.2026. godine utvrđeno da FK „RESPEKT“ svojom krivicom dva puta nije odigrao prvenstvene utakmice, da je zbog toga odustao od takmičenja i isključen iz daljeg takmičenja, Disciplinska komisija je utvrdila da su se stekli uslovi za izricanje disciplinske mjere zabrane nastupa u Kantonalnoj ligi Kantona Sarajevo (seniori) u narednoj takmičarskoj sezoni.

Na osnovu svega navedenog, odlučeno je kao u dispozitivu ove odluke.

Pouka o pravnom lijeku. Protiv ove odluke može se izjaviti žalba Apelacionoj komisiji Fudbalskog saveza Kantona Sarajevo zaključno sa danom 10.06.2026. godine, uz dokaz o uplati propisane takse u iznosu od 300,00 KM, putem email adrese: info@fsks.ba, počev od dana saopštavanja ove Odluke putem elektronske pošte.

Potpredsjedavajuća

Disciplinske komisije FSKS

Džana Hasanagić, dipl.pr.

Broj: 581/26

Sarajevo, 01.06.2026. godine

Na osnovu člana 103. stav (2) Disciplinskog pravilnika NS/FS BiH, člana 24. Propozicija takmičenja Kantonalne lige Kantona Sarajevo za takmičarsku sezonu 2025/2026, člana 20. istih Propozicija, odlučujući po žalbi FK „SAOBRAĆAJAC“ Sarajevo izjavljenoj protiv Odluke Disciplinske komisije Fudbalskog saveza Kantona Sarajevo broj: 548/26 od 20.05.2026. godine, Apelaciona komisija Fudbalskog saveza Kantona Sarajevo, na sjednici održanoj dana 01.06.2026. godine, donosi:

O D L U K U

1. Žalba FK „SAOBRAĆAJAC“ Sarajevo izjavljena protiv Odluke Disciplinske komisije Fudbalskog saveza Kantona Sarajevo broj: 548/26 od 20.05.2026. godine odbija se kao neosnovana.

2. Potvrđuje se Odluka Disciplinske komisije Fudbalskog saveza Kantona Sarajevo broj: 548/26 od 20.05.2026. godine.

O b r a z l o ž e n j e

Odlukom Disciplinske komisije Fudbalskog saveza Kantona Sarajevo broj: 548/26 od 20.05.2026. godine, FK „SAOBRAĆAJAC“ Sarajevo oglašen je odgovornim jer svojom krivicom nije odigrao dvije utakmice stalnog takmičenja Kantonalne lige Kantona Sarajevo u takmičarskoj sezoni 2025/2026, i to utakmicu 1. kola između FK „El Tarik“ i FK „Saobraćajac“, zakazanu za 28.03.2026. godine, na koju se FK „Saobraćajac“ nije pojavio kao gostujuća ekipa, te utakmicu 2. kola između FK „Saobraćajac“ i NK „Ozren“, koja nije odigrana jer FK „Saobraćajac“, kao domaćin utakmice, nije izvršio zakazivanje utakmice u propisanom roku.

Istom odlukom FK „SAOBRAĆAJAC“ izrečena je disciplinska mjera zabrane nastupa u Kantonalnoj ligi Kantona Sarajevo u takmičarskoj sezoni 2026/2027.

Protiv navedene odluke FK „SAOBRAĆAJAC“ Sarajevo je blagovremeno izjavio žalbu, navodeći da je klub uredno izvršio svoje finansijske i administrativne obaveze prema Savezu, uključujući kotizacije, registracije igrača, obaveze po osnovu žutih i crvenih kartona i ostala dugovanja, te da navedeno potvrđuje da nije postojala namjera napuštanja takmičenja. Klub također navodi da izrečena mjera zabrane nastupa u takmičarskoj sezoni 2026/2027 predstavlja rizik za funkcionisanje, odnosno opstanak kluba.

Apelaciona komisija je razmotrila žalbu, pobijanu odluku, Odluku Komesara za takmičenje Kantonalne lige Kantona Sarajevo broj: 422/26 od 10.04.2026. godine, Propozicije takmičenja

Kantonalne lige Kantona Sarajevo za takmičarsku sezonu 2025/2026, kao i ostalu dokumentaciju u spisu predmeta, te je utvrdila da žalba nije osnovana.

Iz spisa predmeta proizlazi da je pravosnažnom Odlukom Komesara za takmičenje Kantonalne lige Kantona Sarajevo broj: 422/26 od 10.04.2026. godine utvrđeno da je FK „SAOBRAĆAJAC“ Sarajevo odustao od takmičenja Kantonalne lige Kantona Sarajevo u takmičarskoj sezoni 2025/2026, jer svojom krivicom nije odigrao dvije utakmice u toku takmičenja.

Navedenom odlukom utvrđeno je da FK „SAOBRAĆAJAC“ nije odigrao utakmicu 1. kola Kantonalne lige Kantona Sarajevo između FK „El Tarik“ i FK „Saobraćajac“, na kojoj se FK „Saobraćajac“ nije pojavio kao gostujuća ekipa u zakazanom terminu odigravanja utakmice za 28.03.2026. godine, kao ni utakmicu 2. kola Kantonalne lige Kantona Sarajevo između FK „Saobraćajac“ i NK „Ozren“, koja nije odigrana jer FK „Saobraćajac“, kao klub domaćin, nije izvršio zakazivanje utakmice u propisanom roku u skladu sa Propozicijama takmičenja.

Obje navedene utakmice prethodno su odlukama Komesara za takmičenje Kantonalne lige Kantona Sarajevo registrovane službenim rezultatom 3:0 u korist protivničkih ekipa, zbog odgovornosti FK „SAOBRAĆAJAC“ za njihovo neodigravanje.

Apelaciona komisija posebno ističe da žalbeni navodi FK „SAOBRAĆAJAC“ ne dovode u pitanje odlučne činjenice na kojima se zasniva odluka Disciplinske komisije. Klub u žalbi ne dokazuje da je pristupio odigravanju predmetnih utakmica, niti dostavlja dokaze da je neodigravanje utakmica bilo posljedica više sile ili drugih objektivnih okolnosti koje bi, u smislu Propozicija takmičenja, opravdale neodigravanje utakmica.

Članom 20. Propozicija takmičenja Kantonalne lige Kantona Sarajevo za takmičarsku sezonu 2025/2026 propisano je da ekipa koja neopravdano ne odigra utakmicu gubi istu službenim rezultatom 3:0 u korist protivničke ekipe, uz disciplinske sankcije u skladu sa Disciplinskim pravilnikom NS/FS BiH. Istim članom propisano je da se ekipa koja dva puta neopravdano ne odigra utakmicu u toku prvenstva smatra da je odustala od takmičenja i po sili Propozicija isključuje iz takmičenja, uz zabranu nastupa u narednoj takmičarskoj sezoni.

Navod žalbe da je FK „SAOBRAĆAJAC“ izmirivao finansijske i administrativne obaveze prema Savezu nije od uticaja na drugačije odlučivanje. Izvršavanje finansijskih, administrativnih i registracionih obaveza može ukazivati na određene aktivnosti kluba u sistemu fudbalske organizacije, ali ne oslobađa klub osnovne takmičarske obaveze da nastupi na zakazanim prvenstvenim utakmicama, odnosno da kao domaćin izvrši zakazivanje utakmice u skladu sa Propozicijama takmičenja.

Također, subjektivna tvrdnja kluba da nije imao namjeru napustiti takmičenje nije odlučujuća za primjenu člana 20. Propozicija. Za primjenu navedene odredbe odlučujuća je objektivno utvrđena činjenica da klub dva puta nije odigrao utakmice stalnog takmičenja, a da za takvo postupanje nije dokazao postojanje opravdanih razloga.

Neosnovan je i žalbeni navod da je izrečena mjera prestroga zbog mogućih posljedica po funkcionisanje kluba. Mjera zabrane nastupa u Kantonalnoj ligi Kantona Sarajevo u takmičarskoj sezoni 2026/2027 proizlazi iz člana 20. Propozicija takmičenja, kojim je izričito propisano da se ekipa koja dva puta neopravdano ne odigra utakmicu isključuje iz takmičenja uz zabranu nastupa u narednoj takmičarskoj sezoni. Dakle, Disciplinska komisija nije proizvoljno odmjerila sankciju, već je primijenila mjeru predviđenu za upravo ovakvu situaciju.

Apelaciona komisija nalazi da je Disciplinska komisija pravilno i potpuno utvrdila odlučne činjenice, pravilno primijenila relevantne propise, te dala jasno i pravno utemeljeno obrazloženje zašto navodi FK „SAOBRAĆAJAC“ ne mogu isključiti disciplinsku odgovornost kluba.

Pri donošenju ove odluke Apelaciona komisija je imala u vidu i značaj zaštite regularnosti, integriteta i kontinuiteta takmičenja. Neopravdano neodigravanje utakmica od strane jednog kluba ne predstavlja samo povredu pojedinačne obaveze tog kluba, već postupanje koje dovodi u neravnotežan položaj druge klubove učesnike, otežava organizaciju prvenstva, narušava povjerenje u takmičarski sistem i proizvodi štetne posljedice po Fudbalski savez Kantona Sarajevo kao organizatora takmičenja i njegove članove.

Imajući u vidu sve navedeno, Apelaciona komisija je utvrdila da žalbeni navodi FK „SAOBRAĆAJAC“ nisu osnovani, te je na osnovu člana 103. stav (2) a u vezi sa članom 128. stav (3) Disciplinskog pravilnika NS/FS BiH i čl. 20. i 24. Propozicija takmičenja Kantonalne lige Kantona Sarajevo za takmičarsku sezonu 2025/2026, odlučeno kao u dispozitivu ove odluke.

Pouka o pravnom lijeku. Odluka Apelacione komisije FSKS je konačna.

Predsjedavajuća

Apelacione komisije FSKS

Adelina Džanković